



2DA SESSIONE ORDINARIA P`E U 2016

RIUNIONE DI I 24 È 25 DI NUVEMBRE

N° 2016/O2/061

DUMANDA ORALE SPOSTA DA U SGIÒ. François BENEDETTI À nome di u gruppu « Corsica Libera »

Objet : Risichi concernendu a *Xylella fastidiosa* è soluzione à longu andà.

Sgiò Presidente di l'Esecutivu,

Da u 2013 almenu, l'alivi di u sud di l'Italia, più precisamente quelli di u rughjone di e Puglie sò stirpati da a radica *Pauca* di a *Xylella fastidiosa*, batteria ghjunta da u cuntinente Americanu è chì hà digià dannighjatu 30 000 ettare ch'ellu ci hè tucatu à stradicà.

Per via di e mancanze di u Statu è di l'Unione Europea, cumpetenti in u duminiu di i cuntrolli di l'impurtazione di i vegetali, sta batteria hè puru ghjunta in Corsica almenu à parte si di lugliu di u 2015 sottu à a so radica detta *multiplex*.

A radica di *Xylella* presente in Corsica infettendu à ciò ch'ellu si sà solu e spezie di generu *Prunus* (Baracocca, Alloru, Persicu), a vigna, l'alivi o puru l'agrumi ùn sò tocchi per avà.

À u mese d'aprile di u 2015, u Prefettu di Corsica di l'epica pigliava, alla fine, un arrestatu chì pruibia l'introitu in Corsica di vegetali chì pudianu purtà a *Xylella fastidiosa*, arrestatu chì dicia in u so articulu 2 chì pudianu esse accurdate derugazione.

Saranu sempre effettivi i cuntrolli previsti ? À chì ne simu di e derugazione date ?

D'altronde, à chì ne simu dinù di a chjama lampata da l'Unione Europea concernendu a *Xylella fastidiosa* è à a quale hà rispostu a nostra Cullettività ?

Di modu più largu, A Corsica « isula furesta » importa avà da unepochi d'anni parecchi vegetali. Senza rivene nantu à a storia di sti fatti, qualesse sò e soluzione previste da u Cunsigliu Esecutivu per rimette a Corsica nantu à a via di a pruduzione lucale di vegetali destinati à l'agricoltura è à a vendita da professionali ?